

آنادولو مجموعه سی

صافی : ۴

فازاتیق آوغلو ، نور علی ، جلال	احمد رفیع
هدائی	محمد خالد
موصل وحوالینسندہ توزکار	نجیب عاصم
طاشان منبع	اسماعیل نامی
غربت	نجیب فاضل
آنادولو اقلیمی	ابراهیم حق
آنادولونک فتحی	مکرمین خلیل
ایلیک منبع	حیدر نجیب
تصوفی خلق ادبیات مزہ دائرہ نوظلر	محمد خالد
هجرت	ضیاء الدین فخری
کیچہ یاریسی	نجیب فاضل
ایلیک ایزلری : قیزلر آغاسی	

ناشری : آنادولو قومانییت نشریات شرکتی

ایران کا نامور ترین شاعر و ادیب

مدوح دکل ، حتی مقدوحدر . متصوفلر ، انسانک حقیقی عشقه وصولنی تأمین ایدن مجازی عشقه جواز و یریرورلر . عکس تقدیرده ، انسانده مجازی عشق ، نفسک غلبه سی دیمک اولور . حالبوکه حقیقی عشق ، نفسک مغلوبیتی ، حتی المحاسنی انتاج ایدن حالتدر . مجازی عشق طریقیه حقیقی عشقی بولان ، حقیقت مطلقیه ، وحدت مطلقیه ایریشمش اولور . آرتق اونک ایچون حسن مطلق منکشف و تمامها عیاندیر . متصوفلرجه حقیقی عشقه صاحب اولان کیمسه نك عنوانی « حال اهلّی » در . حال اهلّی اولان دائمی بروجده واستغراق ایچنده ، دائماً مطلق حسنله ، مطلق حقیقتک حضورنده در . امکان عالمیه علاقه سز ، روحاً بوتون مکنوناندن متجرد ، وجودک حقیقتیه متحددر . حقیقی عشقه واصل اولانلرده بونک علامتی ، اشارتی ، مراقبه ایله توکلدر . حقیقی عشقی بولانلر ، کثرتدن متنفر ، جمعیتدن مجتنب ، وحدت و عزله مجلوبدر . کثرت وجهیت آراسنده کندیلری ایچون بر وحدت و ازوا تأسیس ایتمک غایه لریدر . بو ازواده اونلر جسمایتلرینی ، مادیتلرینی اونوتارق مطلق وجودده فانک لذتی طادارلر . ذاتاً ایسته . دکلری ده یالکز بوندن عبارتدر . اونک ایچون متصوفلر ، ثولومی حقیقی حیاتک باشلانغی تلقی ایدرلر . متصوفلرجه ثولوم ، عدمه قاریشقم دیمک دکلدر . مکنونانک هر ذره سی ایچون موعود اولان فنا ، بقایه رجوعدر . ایسته یونس امره نك و اونک الهام آلدینی منبعک ، مولانا جلال الدین رومی نك و دیگر بوتون تورک و عجم متصوفلرینک مسلکلرینک اساسی . بوتون متصوفلرله برلکده یونس امره ده اثرنده ساده جه بو مسلکی تفهیم و تلقین ایچون اوغراشمشدر .

محمد مهال

ما بعدی وار



ایک اینزلری



قیزلر آغاسی . — مجموعه مزک باش محرری استاد احمد رفیق بک افندی « قیزلر آغاسی » عنوانی چوق قیمتدار اثرلرینی اقدامده تفرقه صورتیه نشر ایتدیلر . قیزلر آغاسنک موضوعی تاریخ مزک عثمانیلر دورینه عائددر . فقط بو موضوع آنادولو تاریخنک ده متقدم صفحه لرله ده مناسبتداردر . احمد رفیق بک افندینک تدقیق ایتدیکی واقعات تاریخیه یالکز عثمانیلر دورنده تصادف ایدلر . آنادولونک تورکر طرفندن فتحندن بو کونه کلنجهیه قدر مملکتده جریان ایدن حادثات احمد رفیق بک افندینک اثرلرینک قادروسی داخلنده در . محترم مدرس عثمانیلر دورندن بحث ایتمکله آنادولوتاریخنک بر صفحه سی آکلامش اولیور . بالعکس بوتون بر تاریخنک خلاصه سی یاپیور . صراحة سولیک لازمدرکه آنادولونک کندی دولت مؤسسه سندن چکیلده سی ، کندنه عائد نفوذ سیاسینک آلدن چیمه سی بوتون ملی حیاتنک اولاتوقفی و بالنتیجه انحطاطنی حاضر لایان

چوق مهم و یکنه عاملدر . ده قیصهجه آنادولو مدینتک سقوطی ، انفاخی ؛ آنادولو اداره سنک آنادولونک آلدن چقدقدن صوکر باشلامشدر .

معلوماتدر که تورکرک حیات سیاسی سی ، ابتدایی معلوم اولمایان بر تاریخدر . تورکرک ابتدائی دورلرندن بری مدینت قابلیت کوستره رک سیاسی تشکله له موجودیتلرینه طوبلی بر ماهیت ویرمشر و دائماً کندیلرینی ینه کندیلری اداره ایشلردر . ایشته منحصرأ بو سایه ده در که تورکرک خصوصی بر مدینت پارامشدر ، بو مدینتله موجودیتلرینی طانیتشدر وخریطه جهانده یو کک موقعلرینی قازانشدر و تثبیت ایشلردی .

آنادولو استیلا سندن صوکر آنادولوده وجوده کان تورک مدینتی مادی و معنوی بوتون اثرلرله تورکرکک بالذات کندیلرینه حاکمیتلرندن دوغمشدر . تورکرک آنادولوده اداره لرینک چنبرینی آلارندن دوشوردکلری زماندر که آنادولو مدینتی انحطاطه یوز طوتدی . آنادولو مدینتک تولد و انکشاف دوری سلجوقیلر دوریدر . بو دور ینه سلجوقیلر زماننده بتمش و آنادولو مدینتی ینه او صره ده توقف و عثمانیلر دورنده ایسه انحطاط ایشدر . عثمانیلرک اقبال زمانی بو مدینتک انحلالی کوردی . احمد رفیق بک افندی آنادولو مدینتک انحطاطی اسبابینی قیزلر آغاسنده سویلور ، دیورک : آنادولو آنادولونک اداره سندن محروم قالدینی کون سقوط ایتدی . آنادولونک بو کونکی سفالتی ، بو کونکی پریشانلی هی بوندندر .

آنادولالو بونی بیلدیکی ایچون هم کندی حقنی همده ابداع ابتدیی مدینتی مدافعه آرزوسیه مجادله کیردی ، سرانله اوغراشدی . سلطنتک مانوله سنی آئنده طوتان سراک کوله لرله اوغراشدی . بوجادله سندن بیقادی ، اوصاعادی . موفق اولق ایچون حیاتی کوچوک کوردی ، اولومه آتیلدی ، قاتبی سوبنه سوبنه فدا ایتدی . آنادولوده وقت وقت پارلایان اختلالرک ، عصیانلرک آتشی یاقان سبب علی العاده بر سرکشاک هوسی دکلدردر . آنادولو عصیانلری بوتون مملکتک قیامیدر . کوله لر سلطنتنه قلیچ چکنلر ایستر بر ، ایستر یوز بیک کیشی اولسون بوتون آنادولو اونلرک آرقه سنده ایدی . تاریخ کوستریورک آنادولالو سفالته بوون آکمش ملت دکلدردر . او ، سفالته متدایاً هجوم ایتدی . مهاجمه سنک نتیجه یه ایرمه سی کوله لر سلطنتک آتله ، قانله ، دمیرله ، اولومه اتفاق ایته سندن ایلری کله مشدر .

احمد رفیق بک افندینک اثری بو حقیقتک محتمم بر تاریخیدر ، بو اثری اوقورکن آنادولونک بالکنز کوزلری دکل ایچی ده آغلار ، آچ ، صوسر ، سفیل وچیلایق آنادولونک خجیع عاقبتنه یورکی دایانماز ، پارچه پارچه اولور . آتیه سی ، باباسی ، قرده شلری وقانداشلری آزیلن بر آنادولونک بو خجایع قارشیسنده توپلری اورپرهمه سی قابل دکلدردر . احمد رفیق بک افندینک اثرینی اوقومق ، حتی ازبرله مک هر تورک ایچون فریضه در . هر آنادولالو تورک بو اثرده قلندر اوغلو کی بو یوک عصیان رئیس لرینک دیلرندن دوشمه یین شو فریادی قلبنه یازمالی و دائماً لسانیه تکرار ایدرکن حیاتی غایه سنک بونی تأمیندن عبارت اولدیغی دوشوته لیدر : آنادولو آنادولولرکدر .

شمس الدین کمال

مسئول مدیری : هیدر نجیب

صاحب امتیاز و مدیری : محمد هالمر